

АЛЛИЛУ́АРИЙ НЕДЕ́ЛИ ПО РОЖДЕСТВЕ́ ХРИСТО́ВОМ (СВЯТЫ́Х), ГЛАС 4:

Чтец: Глас четвертый: Помяни́, Го́споди, Дави́да, и всю крóтость его́.

Хор: Аллилúа, аллилúа, аллилúа.

*Прошения о Святой Руси:*¹

Ещё мо́лимся Тебе́, Го́споду и Спаси́телю на́шему, о е́же при́яти моли́твы нас недостóйных рабо́в Твои́х в си́ю годи́ну испытáния, прише́дшую на Русь Святу́ю, обыше́дше бо обыдо́ша ю́ врази́, и о е́же яви́ти спасе́ние Твое́, рцем вси: Го́споди, услы́ши и помíлуй.

Ещё мо́лимся о е́же благосе́рдием и ми́лостию призре́ти на во́инство и вся за́щитники Оте́чества на́шего, и о е́же утверди́ти нас всех в ве́ре, единомы́слии, здра́вии и си́ле ду́ха, рцем вси: Го́споди, услы́ши и ми́лостивно помíлуй.

*Прошения из молебна о вразумлении имеющих намерение совершить убийство младенца во утробе:*²

К Тебе́, Го́споду и Творцу́ всяческих, припа́даем и се́рдцем сокруше́нным вопи́ем: изба́ви Оте́чество на́ше и вся лю́ди Твоя́ от вели́каго сегó нечестия, е́же про́тиву во́ли Твоея́ и естества́ челове́ческаго ча́да во утробе су́щия умерщвля́яти, и возста́ви наро́д Тво́й во благо́честии и умно́жи его́ на земли́, мо́лим Ти ся, Все-си́льне Царю́, ско́ро услы́ши и помíлуй.

Просвеща́й вся́каго челове́ка, грядúщаго в мир, и согреша́ющих в ра́зум и́стины приводя́й, просвети́ благода́тию Твоею́ се́рдца бра́тий и сесте́р на́ших, и в ра́зумение во́ли Твоея́ приведи́, от греха́ чадоуби́йства отврати́, в чадоро́дии благо-словí, мо́лим Ти ся, Всеще́дре Го́споди, ско́ро услы́ши и помíлуй.

Ещё мо́лимся о ми́лости, жи́зни, ми́ре, здра́вии, спасе́нии, посе́щении, прощ́ении и оставле́нии грехо́в рабо́в Бо́жиих настоя́теля, бра́тии и прихо́жан свята́го хра́ма сегó.

Ещё мо́лимся о плодоно́сящих и добродее́ющих во свята́м и всечестне́м хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богáтыя ми́лости.

Иерей: Я́ко Ми́лостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прýсно и во ве́ки веко́в.

Хор: Ами́нь.

¹Прошения и молитва о Святой Руси размещены на сайте "Новые богослужебные тексты", предназначенном для оперативной электронной публикации новых богослужебных текстов, утверждаемых для общецерковного употребления Святейшим Патриархом и Священным Синодом: <http://nbt.rop.ru/?q=texts/chin/634>

²Текст молебна о вразумлении имеющих намерение совершить убийство младенца во утробе утвержден Священным Синодом Русской Православной Церкви 26 декабря 2025. Тем же решением Священный Синод благословил включать 11.01.26 н.ст. / 29.12.25 ст.ст., в день памяти Вифлеемских младенцев, в сугубую ектению Божественной литургии первые два особых прошения из сугубой ектении молебна, а также молитву из молебна после сугубой ектении Божественной литургии (см. журнал заседания Священного Синода №134 от 26.12.2025): <https://www.patriarchia.ru/pravoslavie.ru/article/119005>

МОЛИТВА О СЯТОЙ РУСИ: ¹

Диакон: Господу помóлимся.

Хор: Господи, помíлуй.

Иерей: Господи Бóже Сил, Бóже спасения нáшего, прízри в мýлости на...

Хор: АМ́ИНЬ.

МОЛИТВА О ВРАЗУМЛЕНИИ ИМЕЮЩИХ НАМЕРЕНИЕ СОВЕРШИТЬ УБИЕНИЕ МЛАДЕНЦА ВО УТРОБЕ: ²

Диакон: Господу помóлимся.

Хор: Господи, помíлуй.

Иерей: Влады́ко Господи Иису́се Христé Бóже наш, сотвори́вый челове́ка по образу Твоему́ и по подóбию, му́жеский пол и же́нский, и благослови́вый я́ и рекíй: Рас-тíтеся и мно́житеся и напо́лните зéмлю, и Псалмопéвцем Твои́м открывíй, я́ко Сам еси́ устроя́я ко́сти и вся вну́тренняя коегóждо ещé во чрéве ма́тери его́, И́же и в вочеловéчении Твоéм от Ду́ха Свя́та и Мари́и Присноде́вы и Богоро́дицы во утробу Ея́ всели́выйся и в челове́цех родíтися благоволи́вый!

Прízри на моле́ние сие́, ны́не Тебе́ на́ми возноси́мое, и све́том Твоего́ богоразу́мíя просветí ма́тери чревоно́сящая. Тепло́тою любве́ Твоея́ согрей́ сердца́ их е́же возлю́бити ча́да их и воспитáти во сла́ву Твою́, возвеселíтися же и видéнием вну́к и пра́внук сво́их. Оградí их от по́мысл неве́рия, самолю́бия, омраче́ния грехо́в-наго и лука́выя боя́зни, да не вни́дет се́рдце их па́губное намере́ние погуби́ти но-си́мья под се́рдцем младе́нцы!

Вразумí же и укрепí вся сродни́ки и зна́емья их, наипáче же отцы́ чад, во чрéве сýщих, да не омрача́тся сердца́ их малоду́шием и да не оскверня́тся уста́ их лука́вым сове́тованием детоуби́йства.

Страх Твой благи́й всади́ в сердца́ враче́й и сохрани́ их от корыстолю́бия, неве́р-ствия и жестосе́рдия, а наипáче же от уби́ения нерождéнных младе́нец.

Укрепí вла́сти предержáщая Оте́чества нáшего к прекра́щению вели́каго сего́ нече́стия уби́ения нерождéнных младе́нец. Всем же в вере и благоче́стии подви́за-ющимся благода́тию Твоею́ благопоспешí и спасения́ венéц нетлéнен угото́ви, да та́ко вси в ти́шинé и благоче́стии пожíвше и Тебе́ благоугоди́вше, сподо́бимся ча́сти избра́нных в Тебе́, Бóже и Спаси́теле нáшем: Тебе́ бо че́сть и поклонéние подобáет с Собезначáльным Твои́м Отце́м и со Пресвяты́м и Благо́м и Животворя́щим Твои́м Ду́хом, ны́не и прýсно и во ве́ки веко́в.

Хор: АМ́ИНЬ.

ЕКТЕНИЯ ОБ ОГЛАШЕННЫХ...